

Mirza Hrustić, diplomirani pravnik - Završni magistarski rad

Fakultet/Akademija	PRAVNI FAKULTET
Tip Rada	Završni magistarski rad
Kandidat, zvanje	Mirza Hrustić, diplomirani pravnik
Naziv Teme	Elementi prava na pravično suđenje u krivičnom procesnom zakonodavstvu Bosne i Hercegovine
Rezime/Abstract	<p>O značaju pravnog standarda pravičnog suđenja u krivičnom postupku govori činjenica da je utvrđen u najznačajnijim međunarodnim dokumentima o ljudskim pravima. U radu je data definicija ovog složenog i višeznamenog pojma, te su prikazani njegovi sastavni elementi na način kako je pojam definisan u Evropskoj konvenciji za zaštitu ljudskih prava i temeljnih sloboda i u svjetlu bogate jurisprudencije Evropskog suda za ljudska prava. Imajući u vidu značaj garancija koje su sastavnice prava na pravično suđenje, u radu je dat kratak historijski razvoj ljudskih prava i sloboda, te je ukazano na korelaciju između razvoja ljudskih prava i sloboda uopšte i pojma pravičnog suđenja odnosno njegovih pojedinih elemenata, te su prikazani najznačajniji međunarodni i univerzalni izvori ljudskih prava, sa posebnim akcentom na Evropsku konvenciju za zaštitu ljudskih prava i temeljnih sloboda čovjeka koja se nužno pojavljuje kao osnovni izvor načela pravičnog suđenja, kao i na Evropski sud za ljudska prava kao specifičnu sudske instancu sa specifičnim nadležnostim i organizacijom čija je osnovna uloga usmjerena ka zaštiti prava i garancija utvrđenih u Konvenciji. Analizom krivičnog procesnog zakonodavstva u Bosni i Hercegovini su identifikovani pojedini elementni prava na pravično suđenje, te je analizirana njihova implementacija u Ustavno-pravnom i normativnom sistemu Bosne i Hercegovine. Takođe su analizirane posebne sumarne procesne forme i konsenzualni oblici koji su u krivično procesno zakonodavstvo uvedeni reformom pravosuđa iz 2003. godine, sa aspekta obezbjeđenja osnovnih procesnih garancija kojima se osigurava primjena načela pravičnog suđenja. Ukazano je na specifičnosti cjelokupnog maloljetničkog krivičnog zakonodavstva u pravnom sistemu Bosne i Hercegovine, a posebno na specifičnosti krivičnog postupka koji se vodi prema maloljetnim učiniocima krivičnih djela imajući u vidu njihov specifičan status koji ih odvaja od punoljetnih učinilaca krivičnih djela. U radu su analizirane presude Evropskog suda u predmetima protiv Bosne i Hercegovine, Hrvatske i Srbije u periodu od 2010. do 2015. godine, kojima je utvrđena povreda člana 6. Konvencije, te su prikazani i statistički podaci o vrsti konkretne povrede. Prikazana su i neka novija pravna stajališta Evropskog suda za ljudska prava u pogledu zaštite načela pravičnog suđenja. Nakon određenja pojedinih elemenata prava na pravično suđenje i detaljne analize, prije svega sudske prakse Evropskog suda za ljudska prava i drugih sudskih instanci, dobijeni rezultati su ukazali da su vrste povreda koje se vežu za krivičnu optužbu raznolike s tim što je najčešće utvrđena povreda ponovo pravo na suđenje u razumnom roku. Ipak se na kraju može reći da je Bosna i Hercegovina kako na institucionalnom tako i na normativnom planu dostigla zavidan nivo zaštite ljudskih prava i temeljnih sloboda, te da je krivično procesno zakonodavstvo u Bosni i Hercegovini u znatnoj mjeri usklađeno sa međunarodnim standardima pravičnog suđenja i da kao takvo svakoj osobi koja je optužena za krivično djelo pruža garancije ostvarenja ovog principa. Ključne riječi i pojmovi: pravo na pravično suđenje, krivična optužba, krivično djelo, Evropska konvencija za zaštitu ljudskih prava i temeljnih sloboda, Evropski sud za ljudska prava.</p>
Datum	20.07.2016
Predsjednik	Dr sc. Dževad Mahmutović, doc. - Uža naučna oblast Krivično - pravna Pravni fakultet Univerziteta u Tuzli
Mentor	Dr sc. Dževad Mahmutović, doc. - Uža naučna oblast Krivično - pravna Pravni fakultet Univerziteta u Tuzli
Član komisije	Dr sc. Anita Petrović, doc. - Uža naučna oblast Građansko - pravna Pravni fakultet Univerziteta u Tuzli
Član komisije	-
Član komisije	-
Zamjenski član	-
Dodatni detalji i lokacija	Dana 20. 07. 2016. god. u 17,00 sati na Pravnom fakultetu Univerziteta u Tuzli
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.